


禮記卷之六十五
禮記卷之六十五
禮記卷之六十五
禮記卷之六十五

嘉

積德名家



天子加元服

皇太子冠

皇子皇孫附

諸侯大夫士冠

大功小功未冠議

女笄

天子加元服

周 漢 後漢 魏 東晉 北齊 大唐

周制文王年十二而冠

文王十三生伯邑考左傳曰冠而生子禮也許慎五經異義曰春秋左氏

傳曰說歲星為年紀十二而一周於天天道備故人君子十二可以冠自夏殷天子皆十二而冠

成王十五

而冠

推武王以庚辰歲崩周公以壬午歲出居東癸未歲反

禮公冠記周公冠成王命史作祝辭告是除喪冠也周公未
反成王冠弁開金縢之書時十六矣是成王十五周公冠之
而後出也許慎五經異義云武王崩後管蔡作亂周公出居
東是歲大風王與大夫冠弁開金縢之書成王年十四是喪
冠也者恐失矣按禮傳天子之將冠筮日筮賓冠義曰古者
年近則十二遠則十五必冠矣將冠筮日筮賓冠義曰古者
日筮賓所以敬冠事既行之於廟者不敢擅重事所以自卑
而尊先冠委貌於阼三加彌尊冠義曰冠於阼以著代也三
冠篇曰公冠四加三同士後加加彌尊加有成也大戴禮公
玄冕天子亦四加後加衮冕裸享樂于廟樂者春秋左傳
曰晉侯問魯大夫季武子襄公年曰君可冠矣武子對曰君
冠必以裸享之禮行之以金石之樂節之以先君之祧處之
周公冠成王命史雍頌曰近於人遠於年遠於佞近於義嗇
於時惠於財祿賢使能說曰冠義云冠者禮之始也凡人之
所以爲人者禮義也禮義之始在於正容體齊顏色順辭令

而後禮義備以正君臣親父子長幼故冠而後服備服備
而後容體正顏色齊辭令順古者聖王重冠所以爲國本也
五經要義云冠嘉禮也冠首服也首服既加而後人道備
故君子重之以爲禮之始矣孔子曰正其衣冠尊其瞻視儼
然人望而畏之又曰不莊以蒞之則人不敬此人君早冠之
義也王教之本不可以童子之道理焉或云周禮雖有服冕
之數而無天子冠文又儀禮云公侯冠禮者王肅鄭玄皆以
爲夏末衰亂篡弒所由生焉故作公侯冠禮則明天子冠禮
之審又無大夫冠禮古者五十而後爵何大夫冠禮之有周
人五十而有賢才則試以大夫之事猶行士禮故筮賓於阼

以著代黜於客位三加彌尊皆士禮也者今按大戴禮有公冠篇云公冠四加天子亦四加又家語冠頌云王太子之冠擬諸侯之冠天子之元子亦擬諸侯四加諸侯之子同於士據此自天子至於諸侯非無冠禮但因秦焚書遂同蕩滅其周制士冠禮頗備王者時採行焉漢改皇帝冠為加元服惠帝加元服用正月甲子若景子為吉昭帝冠辭曰陛下摘著先帝之光輝以承皇天之嘉祐欽奉仲春之吉辰普尊大道之郊域乘率萬福之不靈始加昭明之元服推遠沖孺之幼志蘊積文武之就德肅勤高祖之清廟六合之內靡不蒙福承天無極○後漢制正月甲子若景子為吉日可加元服儀

從冠禮乘輿初加緇布進賢次爵弁次武弁次通天冠訖皆

於高廟如儀謁見續漢書云加元服乘輿皆於高祖廟謁見按世祖廟始冠緇布冠於宗廟從古制

和帝冠以正月甲子乘金根車駕六玄蚪至廟成禮乃迴軫

反宮朝服以饗宴撞太族之庭鍾咸獻壽焉黃香頌云惟求元之盛代聖皇

德之茂純躬烝烝之至孝崇敬順以奉天以三載之孟春建寅月之上旬皇帝時加玄冕簡甲子之元辰皇輿幸夫金根六玄蚪之連螭建螭龍以為旂鳴節路之和鑾既臻廟以成禮乃迴軫而反宮正朝服以饗宴撞太族之庭鍾祚蕃屏與鼎輔暨夷蠻之君王咸進爵于金罍獻萬順帝以初月景子壽之玉觴頌文多今但錄其事耳螭音權順帝以初月景子

加元服於高廟時兼用曹褒新禮其儀不存獻帝興平元年

正月甲子加元服司徒淳于加為賓加賜玄纁駟馬賜貴人

王公卿司隸校尉城門五校侍中尚書給事黃門侍郎各一

人爲太子舍人魏氏天子冠一加其說曰古之事禮服必三加彌尊所以喻其志至於

天子諸侯數無又將以踐祚臨人尊極德成不復與士以加喻勉爲義禮冠於廟自魏不復在廟矣○東晉諸

帝冠儀一加幘冕將冠金石宿設百僚陪位又先於殿上鋪

大牀御府令奉冕幘簪導袞服以待中常侍太尉加幘太保

將加冕太尉讀祝文曰今日吉辰始加元服皇帝穆穆思弘

袞職欽若昊天六合是式率遵祖考永永無極眉壽惟祺介

茲景福加冕訖侍中繫玄紃脫帝絳紗服加袞服冠事畢太

祝率群臣奉觴上壽王公以下三稱萬歲乃退孫毓五禮駁曰魏氏天子

一加三加嫌同諸侯旒按玉藻記曰玄冠朱組綏天子之冠也緇布冠績綏諸侯之冠也且說謂皆始加冠則是有次加之

辭此二冠皆卑服質古勢不一加必重加朝祭之服以崇彌尊聖人制禮所以一時歷加衆服者今始成人卜擇今日而

備加之所以重始也若冠日有不加者後必不擇吉而服非重始也又禮器有以少爲貴者冠不在焉記者彌尊喻志之

言蓋以服從卑始象德日新不可先服尊服轉而即卑今嫌士禮喻志之文因從魏氏一加之制考之玉藻似非古典今

三加者先冠皮弁次冠長冠後冠進賢冠以爲彌尊於意又疑裴頠答治禮問天子禮玄冠者形之成也爲君未必成人

故君位雖定不可孩抱而服冕弁摯虞以爲天子即位之日即爲成君冕服以備不宜有加諸侯即位爲成豈不定諸侯

成君不拘盛典而可以冠天子成君獨有成帝用三元吉日既

有火龍黼衣便不可乎意爲宜冠有加

加元服拜于太廟穆帝孝武將冠皆先以幣告廟訖事又廟

見臺符問脩復未畢吉凶不相干爲可加元服與不太常王

彪之議禮雖有喪冠當是應冠之年服制未終若須服終便

失應冠之年故也禮所以冠無定時月春夏不可便用秋冬

若今歲內脩復未畢入新年卜仲春之日加元服不失年不

失禮今便准喪冠闕饗樂而行事誠有倚傍然加衮冕火龍
煥然以准喪儀情有不便若別有事必速加元服權諸輕重
不須脩復畢者便當准喪冠耳又議新年至尊當加元服今
若依成帝故事用三元日者冠有金石之禁恐脩山陵未畢
於樂便闕禮冠自卜日又云夏葛履冬皮屨無定時不必三
元也按晉故事及兩漢皆非三元當任時事之宜耳又議近
訪得成皇帝加元服儀注闕無拜廟事按禮冠皆於廟儀禮
云既畢賓出主人送於廟門明必在朝近代以來不復在廟
成皇帝既加元服拜太廟以告成蓋亦猶擬在廟之儀今既
加元服亦應拜廟○後魏正光元年秋孝明帝年十一加元

服訖拜太廟大赦改元○北齊制皇帝加元服以玉帛告圓
丘方澤以幣告廟擇日臨軒中嚴羣官位定皇帝著空頂介
幘以出太尉盥訖升脫空頂幘以黑介幘奉加訖太尉進太
保之右北面讀祝訖太保加冕侍中繫玄紉脫絳紗袍加衮
服事畢太保上壽群官三稱萬歲皇帝入溫室移御座而不
上壽後日文武群官朝服上禮酒十二鍾米十二囊牛十二
頭又擇日親拜圓丘方澤謁廟○大唐之制如開元儀

皇太子冠

皇子皇孫附

周 漢 魏 梁 後魏

晉 宋 齊 隋 大唐

周制天子元子猶士也天下無生而貴者也

元子嗣子也無生而貴皆由

升也明人有賢行著德乃得貴之家語冠頌曰天子之元子之冠擬諸侯之冠四加

○漢宣帝冠太子

以正月冠諸王遣使行事○魏氏冠太子再加皇子王公嗣子乃三孫毓以為一加冠諸王因漢遣使行事○晉惠帝之

為太子將冠武帝臨軒使兼司徒高陽王珪加冠兼光祿大

夫屯騎校尉華廙贊冠武惠冠太子冠訖皆即廟見斯亦擬在廟之儀太始六年南

宮王承年十五依舊應冠有司奏議禮十五成童國君十五

而生子以明可冠之儀又漢魏遣使冠諸王非古典於是制

儀王十五而冠遂革使命咸寧二年秋閏九月遣使冠汝南

王宋惠帝以正月景午冠太子訖乃廟見懷帝亦以正月冠

皇太子○宋冠皇太子及蕃王以一加○齊武帝孫南郡王

昭業冠從尚書令王儉議使太常持節一加冠大鴻臚為贊

醮酒之儀國官陪位拜賀如常其日內外二品清官以上詣

公車門集賀并詣東宮南門通牋別日上禮宮臣亦詣門稱

慶如上臺之儀既冠之後冠日謁廟儉議曰皇孫冠事歷代所無禮雖有嫡子無嫡

孫然南郡王體自諸暉實惟國重元服之典宜異列蕃依於諸王則輕同於諸皇則重按士冠禮主人玄冠朝服注云主

人冠者之父兄也尋其言父及兄則明祖在不為主也又春秋之義不以父命辭王父命則皇太子無專用之道宜使太

常持節一加冠并撰立贊冠醮酒二辭不依蕃國詔可祝辭曰皇帝使給事中太常武

安侯蕭惠本加南郡王冠筮日戒賓肇加元服棄爾幼志從

厥成德親賢使能克崇景福醮酒辭曰旨酒既清嘉薦既盈

兄弟具在淑慎儀刑永永眉壽於穆斯寧明帝冠太子用正

月○梁武帝天監十三年正月冠太子於太極殿脩前代之

儀○後魏孝文帝冠皇太子恂於廟詔曰司馬彪漢志漢帝有四加冠一緇布二進賢三武弁四通天朕見家語冠頌篇四加冠公也家語孔子之言與正經何異諸儒忽司馬彪志致使天子之子而行士冠朕以為有賓諸儒皆以為無賓孔氏所云斐然成章其斯之謂矣○北齊制皇太子冠則太尉以制幣告七廟擇日臨軒有司供帳於崇正殿中嚴皇太子空頂幘公服出立東階之南西面使者入立西階之南東面受訖入室盥櫛出南面使者進揖詣冠席西面坐光祿卿盥訖詣太子前詭櫛使者又盥奉進賢三梁冠至太子前東面祝脫空頂幘加冠太子與入室更衣出又南面就席光祿卿

盥櫛使者又盥祝脫三梁冠再加遠遊冠太子又入室更衣設席中楹之西使者揖就席南面光祿卿洗爵酌醴使者詣席前北面祝太子拜受醴卽席坐祭之啐之奠爵降階復本位西面三師三少及在位羣官拜事訖又擇日會官臣又擇日謁廟○隋制皇太子將冠前一日帝齋於大興殿天子與賓贊及預從官齋於正寢其日質明有司告廟各設筵於阼階帝衮冕卽御座揖太子進升筵西向坐贊冠者坐櫛設纒賓盥訖初加緇布冠進設頰丘癸切纓賓揖太子適東序衣玄衣素裳以出贊者又坐櫛賓進加遠遊冠改服訖賓又受冕太子適東序改服以出賓揖太子南面立賓受醴進筵前北

面立祝

之又切

太子拜受解賓復位東面荅拜贊者奉饌於筵

前太子祭奠禮畢降筵進當御東面拜納言承詔詣太子戒

訖太子拜贊者引太子降自西階賓少進字之贊者引太子

進立於庭東面諸親拜訖贊者拜太子皆荅拜與賓俱復位

納言承詔降命令有司致禮賓又拜帝復降阼階下拜太子

以下皆拜帝出更衣還宮太子從至闕因入見皇后而還○

大唐貞觀五年正月有司上言皇太子將冠禮宜用二月為

吉請追兵以備儀注太宗曰今東作方興恐妨農事今改用

十月太子少保蕭瑀奏稱准陰陽家用二月為勝上曰陰陽

拘忌朕所不行若動靜必依陰陽不顧禮義欲求福祐其可

得乎若所行皆遵正道自然當與吉會且吉凶在人豈假陰

陽拘忌農時甚要不可暫失開元六年侍中宋璟上表曰臣

伏以太常狀准東宮典記有上禮之儀謹按上禮非古從南

齊後魏方始有此事而垂拱神龍更扇其道羣臣歛錢獻食

君上厚賜荅之姑息施恩方便求利皇太子冠乃盛禮自然

合有錫賚上臺東宮兩處宴會非不優厚其上禮宜停其儀

具開元禮

諸侯大夫士冠

夏晉

周大唐

後漢

夏小正記二月冠子之時也○周制繼世以立諸侯象賢也

象法也為子孫能法其先祖之賢故冠禮筮日筮賓冠於阼使之繼世諸侯之子冠亦用士禮也冠禮筮日筮賓冠於阼

醮於客位三加彌尊詐謂主人之北也嫡子冠於詐若不醮則醮用酒於客位敬而成之也戶西為

客位庶子冠於房內戶外又因醮焉不代父也冠者初加緇布次加皮弁次加爵弁每加益尊所以益成也已冠

而字之成人而所以相尊也見於母母拜之見於兄弟兄弟拜之

成人而與為禮左傳曰晉侯問襄公年大夫武子對曰會于沙隨之

歲寡君以生晉侯曰十二年矣是謂一終一星終也國君十

五而生子冠而生子禮也大夫盍為冠具武子對曰君冠必

以裸享之禮行之以金石之樂節之以先君之祧處之令寡

君在行未可具也請及兄弟之國還及衛冠于成公之廟假

鍾磬焉禮也大戴禮公冠篇云公冠四加家語冠頌云諸侯之子冠同於士士男子二十而

冠漢戴聖云男子陽也陽成於陰偶數起於二終二十謂之小成而冠鄭玄云任士職居士位故曲禮云二十曰弱冠

禮不於堂嫌著之靈由廟神將冠筮日于廟門廟門也冠必

筮日於廟門者重以成人之禮不吉則筮遠日如初儀旬之主

人戒賓戒告也賓主人之僚友曰某有子某將加布於其首

願吾子教之賓對曰某不敏恐不能共事以病吾子敢辭病猶

某敢不從主人再拜賓荅拜主人退賓拜送退去也前三日筮

賓如求日之儀賢者恒吉冠必筮日筮賓者乃宿賓賓如主

人服出門左西向再拜主人東面荅拜宿進也如主人服朝服乃宿曰

某將加布於某之首吾子將泣之敢宿賓對曰敢不夙興主

人再拜賓荅拜主人退賓拜送乃宿賓者親相見致其辭宿替冠者一人

亦如之贊冠者佐賓冠日夙興設洗直于東榮榮屋翼也陳

服于房中西墉下東領北上冠時先用卑爵弁服纁裳純衣

緇帶此助君祭之服爵弁冕之次也其色赤而微黑如

鞅音妹皮弁服素積緇帶素鞅此與君視朔之服也皮弁者

猶辟也以素為裳辟慶要中玄端玄裳黃裳雜裳可也緇帶

爵鞅此莫夕於朝之服玄端即朝服之衣易其裳耳上士玄

鞅其鞅同不以玄冠名緇布冠頰項青組纓屬于頰緇纒廣

終幅六尺皮弁笄爵弁笄緇組紘纁邊同篋緇布冠無笄著

中隅為四綴以固冠項中有緇亦由固頰之為耳今未冠笄

者著卷纁頰象之所生也屬纁著也纁今之纁梁終充也纁

一幅長六尺足以緇髮而結之矣笄今之簪有笄者屈組為

紘垂為飾無笄者纓而結其條纁邊組側赤也同篋謂此上

六物墮方曰篋墮音他果切櫛實于篋篋音箇蒲筵二在南敷陳曰筵藉之

言席取相承籍之義在地多言筵也側罇一甒醴在服北側猶持也爵弁皮弁

也主人玄端爵鞅立阼階下直東序西向玄端士入廟服也

為兄弟畢袵玄立于洗東西而北上兄弟主人親戚也畢猶

緇帶音之忍切緇鞅音之忍切儼者玄端負東塾門內東堂將冠者綵衣紒在

房中南面綵衣未冠所服兒童子緇布衣綵衣賓至主人拜

迎於外門之外揖讓而入主人升立于東席端西面賓西序

東面主人之贊者筵于東序少北西面嫡子冠於阼少北避

于房外南面遂醮焉不於客位者不代父成而不尊將冠者出房南面贊者奠纒笄櫛

于筵南端賓之贊冠者也奠停賓揖將冠者即筵坐替者坐櫛設纒賓

降西階一等冠緇布冠賓右手執項左手執前進容進容者行乃

祝曰令月吉日始加元服棄爾幼志順爾成德壽考維祺介

爾景福元長也祺祥介景皆大也坐乃冠興復位替者卒卒謂設冠者興

賓揖之適房服玄端爵鞞出房南面復位出房南面者一賓

揖之即筵降二等受皮弁右執項左執前進祝曰吉日令辰

乃申爾服敬爾威儀淑慎爾德眉壽萬年永壽胡福申重也

初復位替者卒紘卒紘謂與賓揖之適房服素積素鞞容出

房南面容者再加鞞成其儀益繁賓降二等至地受爵弁進祝曰以歲之

正以月之令咸加爾服兄弟具在以成厥德黃耆無疆受天

之慶正猶善也加之服纁裳韎韐其他如加皮弁之儀他謂卒徹

皮弁冠櫛筵入于房主人贊者徹之筵于房西南面筵主人贊也贊者房

中酌醴賓揖冠者就筵西南面賓受醴于房東筵前北面辭

曰甘醴惟厚嘉薦令芳拜受祭之以定爾祥承天之休壽考

不忘嘉善也嘉薦謂脯醢也冠者筵西拜受觶賓東面答拜筵

北面坐取脯降自西階適東壁北面見于母薦東薦左也適

時母在闈門之外婦母拜受子拜送母又拜婦人於丈夫雖

若冠者母不在則使人受脯于西階其在謂疾病或歸寧使人受脯於後歸賓降直西序東面主

禮記卷之六十一 冠義第六十一

人降復初位初至階讓冠者立于西階東南面賓字之曰禮

儀既備今日吉日昭告爾字爰字孔嘉髦士攸宜宜之于嘏

求受保之曰伯某甫伯仲叔季唯其所當爰於也孔甚也髦

外入見姑姊如見母入寢門不見乃醴賓以一獻之禮一獻者

主人酬賓束帛儷皮財貨曰酬束帛十端儷皮

主人送于外門外再拜歸賓俎一獻之禮有薦有俎使冠者

易服玄冠玄端爵韠奠贄見于君遂以贄見於鄉大夫鄉先

生易服不朝服者非朝事也執員維也鄉父歿而冠則已冠掃

地而祭於禰盧植曰本父當成之不能成已祭而見伯父叔

父而後饗冠者盧植曰飲賓也鄭玄曰饗禮曾子問曰將冠

子冠者至揖讓而入門有齋縗大功之喪如之何冠者賓孔

子曰內喪則廢外喪則冠而不醴徹饌而掃即位而哭如冠

者未至則廢內喪同門也不醴不醴于也若將冠子未及期

日而有齋縗大功小功之喪則因喪服而冠廢古禮而用喪

也及除喪不改冠乎孔子曰天子賜諸侯大夫冕弁於太廟

歸設奠服於斯乎有冠醮無冠醮議曰冠者表成人之容正

尊卑之序而令母兄姑姊與之交拜豈非混淆長幼黷亂人

倫者乎所言答拜之文未必周公之旨東周衰末王室已卑

刻下

諸侯踰僭削去典法重以秦皇蕩滅千無一存况復編斷簡
蠹傳寫訛謬先儒注釋不加參詳遂令後學有所疑誤又按

九拜之儀肅拜今揖也尊屬欣其備禮念其成人以揖示敬

在理非爽便同匹敵竊謂不然本制冠禮正長幼之序鄭康成注云忻其成人與為禮若

令母兄交拜豈非崇虛而損其實○後漢何休冠儀約制云將冠子者具衣

冠冠者父兄若諸父宗族之尊者一人為主主人告所素敬

僚友一人為冠賓必自告其家告曰某之子某若弟某長矣

將加冠於首願吾子教之賓既許主人自定吉日先冠一日

宿告賓曰請以明日行事賓曰敢不從命主人灑掃內外皆

肅執事者於兩楹間為冠者設北嚮筵又設賓東嚮筵兩筵

相接授冠以篋器設于兩筵又設罇爵于東方冠者如常服

侍命于房夙興賓到迎延揖讓如常坐定執事白請行事主

人跪告賓曰請勞吾子賓跪荅曰敬諾賓起立西序東面聽

命之禮賓冠者與西嚮拜賓賓荅拜訖命就筵賓主各還坐

冠者北嚮筵坐伏賓跪曰吾子之使請將命主人跪荅曰勞

吾子賓起就東嚮筵執事者執爵跪向冠者祝曰今月吉日

始加元服棄爾幼志順爾成德壽考惟祺介爾景福冠者即

坐賓跪加冠訖冠者執爵酌地然後啐酒訖賓興復還本坐

主人亦起乃俱坐冠者還房自整飾出拜父父為起若諸父

羣從及兄應荅拜者荅拜如常入拜母母荅拜其餘兄弟姑

姊妹皆相拜如常主人命冠者出更設酬為勸乃罷異日有祭事白告祖考者自如舊祭禮常儀○晉王堪冠禮儀云永平元年惠帝時正月戊子冠中外四孫立于步廣里舍之阼階設一席于東廂引冠者以長幼次于席南東上賓宗人立于西廂東面南上堪立于東軒西南面西上陳元服于席上宗人執儀以次呼冠者各應曰諾宗人申誠之曰以歲之正以月之令兄弟具來咸加爾服棄爾幼志順爾成德敬慎威儀惟人之則壽考惟祺永受景福冠者高跪而冠各自著布與再拜從立于賓南上酌四杯酒各拜醮而飲事訖上堂向御史府君再拜訖冠者皆東面坐如常燕禮時賓宗人東平王隆叔祚王循道安王業建始此皆古禮也但以意斟酌從其簡者耳○大唐制如開元禮

大功小功末冠議 周 晉

周制大功之末可以冠子嫁子父小功之末可以冠子嫁子可以娶婦已雖小功既卒哭可以冠可以娶妻下殤之小功則不可此皆謂可以用吉禮之時父大功卒哭而可冠子已大功卒哭而可以冠矣○晉傳純難

曰按雜記本文已在小功則得冠在大功不得冠也鄭氏云已大功卒哭以冠與本文不同何耶又要記不見已冠不知已冠當在何條賀循荅曰禮云大功小功之末可以冠娶道父為子嫌但施於子不施於已故下言已雖小功著已與子

亦同也俱同則大功之末已可以冠以理推之正自應爾非
爲與本文不同要記不見已冠直是文句脫耳高崧問范汪
曰按小功之末可以冠子已雖小功卒哭可以冠而鄭孫二
家注並云已大功卒哭可以冠求之於禮無可冠之文范汪
荅曰大功之末可以冠子此於子已爲無服又云父小功可
以冠子疑與上章俱有末語特於下言已雖小功卒哭可以
冠是爲小功卒哭皆得行冠娶之事也大夫三月而葬葬而
後虞虞而後卒哭是爲父雖小功子服盡也大功許冠婚則
小功便無所不可也高崧重問范汪曰下殤小功則不可而
云小功之末可以冠婚何范汪重荅曰下殤小功此是周服

之下殤不可以服輕而因喪也或曰因喪而冠亦禮之明文
何以復於大功小功喪中每言冠乎荅曰在喪冠而已不行
冠禮也於大功小功之末故可行冠禮因喪而冠與備行冠
禮殊也或問者曰禮大功之末可以冠子嫁子小功之末可
以冠子嫁子可以娶婦已雖小功既卒哭可以取妻按經大
功之末雖云可以冠子嫁子不言已可以冠而鄭氏注云已
大功卒哭而可以冠未解經又云大功之末而注云卒哭不
知此言末便是卒哭爲非卒哭耶荅曰記云大功之末可以
冠子嫁子而注又云已大功卒哭而可以冠小功卒哭而可
以冠娶妻者冠而後娶今旣云冠嫁其子則於文不得復自

著已冠故注家合而明之以小功得娶妻則大功亦可以得冠冠輕婚重故大功之末得自冠小功之末得自娶以記文不備故注兼明之注之有此比禮三月既葬卒哭於小功則餘有二月是末也於大功則正三分之一便謂之末意常以疑之然鄭氏注喪服經云葬喪之大事既畢故謂之末耶重問曰省及申釋注意其爲允也然猶僕有所未了禮小功卒哭可以娶者婚禮娶婦之家三日不舉樂明婚雖屬吉而有嗣親之感小功餘喪不重祖考之思故可以娶也大功可冠猶有疑焉夫吉禮將事必先筮賓然後成禮大功之末可以冠嫁其子者以已大功之末於子則小功服已過半情降既

殊日算浸遠故子可以行吉事至於已身親有功布重制月數尚近而便釋親重之服行輕吉之禮於此稱情無乃薄耶且非禮正文出自注義耳若有廣比想能明例以告之答曰齋練之喪則冠婚皆廢大功則廢婚而行冠冠吉輕而婚吉重故也冠吉輕故行之於大功之末婚吉重故行之於小功之餘但以大功末云可以冠子而自著已冠之文不便賢者以三隅反之推小功得自娶則大功得自冠以身有功服月數尚近釋親重之服行輕吉之事今正以小冠大功之末俱得行吉禮故施輕吉於重末行重吉於輕餘重服不可以行重吉故許其輕者輕服可以通重吉故因得行之若大功之

冠則行吉冠之禮而反喪服若服在齋縗不得行吉則因喪而冠以冠禮貴及不可踰時而齋縗之服崇重則大功之末差輕輕則行以吉重則因以凶也

女笄周

周制女子許嫁笄而醴之稱字許嫁已受納徵禮也笄女禮猶冠男也使主婦女賓執其

禮祖廟未毀教于公宮三月祖廟已毀則教于宗室祖廟為高祖為

君者之廟以有緦麻之親就尊者之宮教之也公羊傳婦人

許嫁笄而字之死則以成人之喪埋之謂不為殤也魯僖公九年伯姬卒是雜

記女雖未許嫁年二十而笄禮之婦人執其禮雖未許嫁年

人矣禮之酌以成人言婦人執其禮明非許嫁之笄賈公彥云許嫁笄當使主婦對如賓故其禮其儀如男子也又許嫁

者用醴禮之不許嫁當燕則鬢首既笄之後去之十猶若女用酒醮之敬其早得禮燕則鬢首月鬢紒也鬢音巨貞切鬢

丁果切

通典卷第五十六

通典卷第五十七

禮十七

嘉二

君臣冠冕巾幘等制度

冕

大裘冕 通天平冕

衮冕

鷩冕

毳冕

絺冕

玄冕

素冕

黑冕

象冕

山冕

赤冕

黃冕

緇布冠

進賢冠

牟追冠

章甫冠 委貌冠

通天冠

長冠

劉氏冠 齋冠

遠游冠

具服遠游冠 公服遠游冠

高山冠

側注冠

法冠

獬豸冠 柱後惠文冠

建華冠

鷩冠

趙惠文冠

武冠 繫冠

武弁 建冠

大冠 籠冠

鷩冠 鷩冠

方山冠

巧士冠

却非冠

樊噲冠

術氏冠

却敵冠

進德冠

翼善冠

皇收廣冕

嘑

爵弁

皮弁

韋弁

幘童子幘

青幘

空頂幘

納言幘

赤幘

紺幘

幅烏紗帽

白帽

皮帽

細幘

素幘

黑幘

葛巾角巾

高頂帽

白帽

翠帽

黑帽

高屋白紗帽

君臣冠冕巾幘等制度

上古衣毛帽皮後代聖人見鳥獸冠角乃作冠纓黃帝造旒

冕始用布帛冕者冠之有旒

唐虞以上冠布無綵

夏后以牟追

音丁以收所以收斂髮殷制章甫或以嘑章明也言以表明丈夫

飾嘑音刑制並無文至周六冕章數始備故孔子曰服周之

冕言中禮也洎乎幽厲衰微秦焚六籍圖寫紛雜記注混淆

今徵其實錄拮拾沿革為冠冕篇云

冕大裘冕衮冕鷲冕毳冕絺冕玄冕

冕通天平冕蒼冕青冕赤冕黃冕

冕素冕象冕山冕

冕火冕祀冕

冕有熊氏周秦後漢魏晉東晉宋

齊梁陳北齊後周隋大唐

黃帝作冕垂旒目不邪視也充續示不聽讒言也事見世本○周

制弁師掌王之五冕皆玄冕朱裏纒紐冕服有六而言五者大裘冕首飾尊也纒

冕之覆在上是以名焉五采纒十有二就皆五采玉十有二

玉笄朱紘纒雜文之名合五色絲為繩垂之纒前後各十二

疏則十二玉每就間一寸朱紘以朱組為紘統一條繩屬兩
端於武此謂袞衣之冕十二旒則用玉二百八十八驚冕纁
九旒用玉二百一十六毳冕七旒用玉一百六十八諸侯及
緇冕五旒用玉一百二十玄冕三旒用玉七十二

孤卿大夫之冕各以其等為之各以其等者纁玉如其命數
冕則侯伯纁七就用玉九十
八子男纁五就用玉五十纁玉皆三采孤纁四就用玉三十
二三命之卿纁三就用玉十八再命之大夫纁再就玉八纁
玉皆朱綠禁令秦滅禮學郊社服用皆以衿玄以從冕旒前
不得相僭踰

後邃延蔡邕獨斷云衿紺繒也班固
東都賦注云衿卑也衿音鈞○後漢光武踐祚祀天

地明堂皆冠旒冕孝明帝永平初詔有司采周官禮記夏侯

氏說冕皆廣七寸長尺二寸前直後方朱綠裏玄上前垂四

寸後垂三寸係白玉珠為十二旒蔡邕獨斷云九旒也以其綬采色為

組禮記曰玄冠朱組纁天子之
纁服是也其旒珠用真白玉三公諸侯七旒青玉珠卿

大夫五旒黑玉珠皆有前無後各以其色綬為組纁旁垂鞋

纁助天子郊祀天地明堂則冠之○魏因漢故事明帝好婦

人之飾冕旒改用珊瑚珠晉因之○東晉元帝初過江服章

多闕而冕飾以翡翠珊瑚珠侍中顧和奏舊禮冕旒用白玉

珠今美石難得不能備可用白玉旋珠從之後帝郊祀天地

明堂宗廟元會臨軒改服黑介幘通天平冕阜表朱綠裏廣

七寸長一尺二寸加於通天冠上前圓後方垂白玉珠十二

旒以朱組為纁無綉王公卿助祭郊廟冠平冕王公八旒卿

七旒組為纁色如綬也○宋因之更名曰平天冕天子郊祀
及宗廟服之王公並用舊法○齊因之梁因之其制前垂四

寸後垂三寸旒長齊肩以組爲纓色如其綬傍垂黹纊充耳珠以玉瑱乘輿郊祀天地明堂享宗廟元會臨軒則服之五等諸侯助祭平冕九旒青玉爲珠有前無後各以其綬色爲組纓旁垂黹纊○陳因之以爲冕旒皇太子朝冠遠遊冠侍祭則平冕九旒五等諸侯助祭郊廟皆平冕九旒青玉爲珠有前無後各以其綬色爲組纓旁垂黹纊○北齊採陳之制旒玉用五采以組爲纓色如其綬其四時郊祀封禪大事皆服衮冕皇太子平冕黑介幘白珠九旒飾以三采玉以組爲纓色如其綬未加元服則空頂黑介幘雙童髻雙玉導○後周設司服之官掌皇帝十二冕祀昊天則蒼冕五帝各隨方

色朝日同青冕夕月同素冕地祇同黃冕神州社稷同玄冕享先皇加元服等象冕享先帝食三老耕籍等以衮冕視朔

大射等以山冕視朝臨法門適宴等以鷩冕皆十有二旒

皮弁見在下文諸公之冕九方衮山鷩火毳等六皆九旒革弁皮弁

玄冠三合上爲九諸侯八無衮冕諸伯七又無山冕諸子六

又無鷩冕諸男五又無火冕冕五旒三公之冕九祀火毳藻

繡爵弁等冕六韋弁皮弁玄冠合上九三孤自祀冕而下八

無火冕公卿七又無毳冕上大夫六又無藻冕中大夫五又

無皮弁下大夫四又無爵弁士服三祀弁爵弁玄冕庶士玄

冠而已其弔服諸侯當事則弁經不則皮弁以下亦如之○

隋採北齊之法衮冕垂白珠十二旒組爲纓色如其綬黼纁旒齊於膊纁齊於耳唯應著幘充耳玉笄太子庶子裴正奏色並用玄者任依漢晉法皇太子衮冕垂白珠九旒青纁充耳犀笄國公冕青珠九旒初受冊命執贄入朝祭祀親迎三公助祭並服之侯伯則鷩冕子男則毳冕五品以上繡冕九品以上爵弁○大唐依周禮制天子之六冕有大裘冕衮冕鷩冕毳冕繡冕玄冕大裘冕無旒廣八寸長一尺六寸玄表纁裏以金飾玉簪導釋名云簪建也所以建冠於後也亦謂之笄所以以拘冠使不墜也導以撥鬢使入巾幘之中組爲纓色如其綬祀天神地祇服之衮冕如金飾垂白珠十有二旒以組爲纓色如其綬黼纁充耳玉簪導諸祭祀及享廟

遣上將征還飲至加元服元日受朝等服之鷩冕有事遠主

服之

按周禮遠主謂先公

毳冕祭海岳服之繡冕祭社稷帝社服之玄

冕蜡百神朝日夕月服之自衮冕而下旒數並依周禮皇太

子衮冕白珠九旒諸臣衮冕青珠九旒青纁充耳簪導鷩冕

七旒第二品服之毳冕五旒第三品服之繡冕四旒第四品

服之玄冕三旒第五品服之龍朔二年九月司禮少常伯孫

茂道奏稱准令諸臣九章服君臣服冕章數雖殊飾龍名衮

尊卑相亂今請諸臣九章衣以雲及鱗代龍昇山爲上仍改

冕名當時紛議不定至儀鳳二年十一月太常博士蘇知機

上言曰去龍朔中孫茂道奏請諸臣九章服當時竟未施行

今請制大明冕十二章乘輿服之加日月星辰龍虎山火麟鳳玄龜雲水等象鷩冕八章三公服之毳冕六章三品服之繡冕四章五品服之詔下有司詳議崇文館學士楊炯奏曰謹按虞書予欲觀古人之象日月星辰山龍華蟲作繪宗彝藻火粉米黼黻絺繡由此言之則其所從來尚矣逮及有周乃以日月星辰爲旌旗之飾又登龍於山登火宗彝於是制衮冕以祀先王也九章者法陽數也以龍爲首章衮者卷也龍德神異應變潛見表聖王深沈遠智卷舒神化也又制鷩冕以祭先公也鷩者雉也有耿介之志表公有賢才能守耿介之節也夫以周公之多才也故化定制禮功成作樂夫以

孔宣之將聖也故行夏之時服周之冕先王以法服乃此之自出也天下之能事又於是乎畢矣今蘇知機請制大明冕十二章乘輿服之者謹按日月星辰已施於旌旗矣龍虎山火者又不踰於古矣而云麟鳳有四靈之名玄龜有負圖之應雲有紀官之號水有盛德之祥此蓋別表休徵終是無餘比象然則皇王受命天地興符仰觀則璧合珠連俯察則銀黃玉紫此固不可異陳於法服也若夫禮唯從俗則命爲制今爲詔乃秦皇之故事猶可以適於今矣若夫義取隨時則出稱警入稱蹕乃漢國之舊儀猶可以行於代矣亦何取於變周公之軌物改尼父之法度者哉由是竟寢知機所請

緇布冠

進賢冠

周 後漢 晉 宋 齊 梁

周制士冠禮云緇布冠

類頂青組纓屬于類緇布冠無笄者著類圍髮際結項中隅為四綴以固

冠項中有緇亦由固類為之耳今以為始冠之冠冠而弊之未冠笄者著卷幘類象之所生也

可也初加緇布冠次加皮弁次加爵弁加皮弁後而弁之後漢改之制進賢冠為儒者

之服前高七寸後高三寸長八寸公侯三梁中二千石以下

至博士兩冠蔡邕獨斷云千石以下一梁小吏私學子皆一梁○晉因之

天子元服始加則冠五梁進賢冠三公及封郡公縣侯鄉亭

侯則三梁卿大夫下至千石則兩梁中書門下至門郎小吏

並一梁○宋因之為儒冠○齊因之為開國公侯下至小吏

之服其以梁數為降殺則依晉制○梁因之以為乘輿宴會

之服則五梁進賢冠○陳因之為文散內外百官所服以梁

數為高卑天子所服則五梁○北齊進賢五梁冠不通于下

○隋因陳制内外文官通服之降殺一如舊法○大唐因之

若親王則加金附蟬為飾復依古制緇布冠為始冠之冠進

賢緇布二制存焉

牟追冠

章甫冠

委貌冠

宋

夏后氏牟追冠長七寸高四寸廣五寸後廣二寸制如覆杯

前高廣後卑銳○殷因之制章甫冠高四寸半後廣四寸前

櫛首○周因之制委貌司服云凡甸冠弁服甸田獵也○漢

制委貌以阜繪為之形如委穀之貌上小下大長七寸高四

寸前高廣後卑銳無笄有纓行大射禮於辟雍諸公卿大夫行禮者冠之○宋依漢制

通天冠

秦漢晉宋齊梁陳北齊隋大唐

秦制通天冠其狀遺失○漢因秦名制高九寸正豎頂少邪

却乃直下為鐵卷梁前有山展簞為述簞駮犀簞導乘輿所

常服○晉依漢制前如金博山述乘輿常服

述即鵠也鵠知大雨故冠像焉

前有展簞

○宋因之又加黑介幘

舊有冠無幘幘冠理展簞前代古圖畫三皇五帝或有服通天

冠深誤矣

○齊因之東昏侯改用玉簞導○梁因之復加冕於其上

為平天冕

此復依晉冕法

陳因之○北齊依之乘輿釋奠所服○

隋因之加金博山附蟬十二首施珠翠黑介幘玉簞導朔日

元會冬朝會諸祭還則服之○大唐因之其纓改以翠綉

長冠

劉氏冠漢晉齊冠

漢高帝採楚制長冠形如板以竹為裏亦名齋冠後以竹皮

為之高七寸廣三寸以高帝所制曰劉氏冠故為享廟之服

敬之至也

鄙人或謂之鵲尾冠

○晉依之去竹用漆纚救日蝕諸祀則

冠之○梁天監中祠部郎中沈宏議竹葉冠是漢祖微時所

服不可為祭服宜改用爵弁司馬駿云若必遵三王則所廢

非一武帝竟不改矣

遠遊冠

具服遠遊冠秦漢晉梁陳北齊隋大唐

秦採楚制楚莊王通梁組纓似通天冠而無山述有展簞橫

之于前○漢因之天子五梁太子三梁諸侯王通服之○晉皇太子及王者後常冠焉以翠羽為綏綴以白珠帝之兄弟之子封郡王者通服之則青絲為綏○梁為皇太子朝服加金博山翠綏○陳因之其藻飾服用依晉故事也○北齊依之制五梁冠乘輿所服不通于下○隋依制三梁加金附蟬九首施珠翠黑介幘翠綏犀簪導皇太子元朔入廟釋奠則服之○大唐因之其制具開元禮序例

高山冠

側注冠

秦漢魏

晉宋齊

秦滅齊獲其君冠而制之形如通天冠頂不邪却直豎鐵為卷梁高九寸無山展筩一名側注冠其體側立而以賜近臣

中外謁者僕射行人使者等所服○漢舊儀云乘輿冠高山

冠飛月之纓

一云飛翾之纓

丹紉裏

按此高山冠以通天子之服

○魏明帝因改

之卑下於通天遠遊除去卷筩加介幘幘上加物以象山行人使者服之○晉宋齊梁陳歷代因之○隋依魏制參用之形如進賢於冠加三峯謁者大夫以下服之梁數依其品降殺○大唐因之內侍省内謁者監及親王司閣等服之

法冠

獬豸冠

柱後惠文冠

秦漢晉宋齊梁陳隋

大唐

秦滅楚獲其君冠賜御史以纚為展筩鐵為柱卷

取其不曲撓也一名

柱後惠文冠

執法者服之或謂之獬豸冠

獬豸神羊一角能別曲直楚王獲之以為冠

○漢晉至陳歷代相因襲不易○隋開皇中於進賢冠上加

二真珠為獬豸角形大業中改制一角或云獬豸神獸蓋一角今二角者非也執法者服之○大唐法冠一名獬豸冠一角為獬豸之形御史臺監察以上服之

建華冠漢 鷓冠 晉 宋 齊 梁 陳

漢制以鐵為柱卷貫大銅珠九枚形似縷鹿薛宗曰下輪大上輪小也記曰知天者冠述知地者履絢左氏傳曰鄭子臧好聚鷓冠建華是也天地五郊明堂舞樂人服之晉及陳代相因不易餘並無聞

趙惠文冠武冠 鷓冠 武弁 大冠 鷓冠

秦 漢 晉 宋 齊 梁 陳 北齊 隋 大唐

秦滅趙以其君冠賜近臣胡廣曰趙武靈王效胡服以金瑤飾首前插貂尾為貴職或以北土

多寒胡人以貂皮溫額後代效之亦曰惠文惠者螽也其冠文細如蟬翼故名惠文或曰齊人見千歲洞澤神名之曰慶忌冠大冠乘小車○漢因之曰武弁一名大冠諸武官冠之好疾馳因象其冠

侍中中常侍加黃金璫附蟬為文貂尾為飾侍中插左常侍插右貂用赤黑色王莽用黃貂各隨服色所尚後漢應劭漢官儀曰金取堅剛百鍊不耗蟬居高飲絮

貂內勁捍而外溫潤又名鷓義冠倉頡解詁曰鷓鷩鷩即以翟山雞屬尾彩鮮明是將飾冠以代貂幸臣閔孺為侍中皆服大冠天子玄服亦為先加又加雙鷓尾

豎左右名鷓冠鷓鷩鳥之暴疏者也每所攫撮應瓜摧碎天子武騎故冠之徐廣曰鷓似黑野雞出上黨

○晉依之名繁冠一名建冠一名籠冠即惠文冠也○宋因之不易○齊因之侍臣加貂蟬餘軍校武職黃門散騎等皆

冠之唯武騎武賁插鵞尾於武冠上○梁因制遠遊平上幘武冠○陳因之不易後為鶡冠武者所服○北齊依之曰武弁季秋講武出征告廟則服之○隋依名武弁武職及侍臣通服之侍臣加金璫附蟬以貂為飾侍左者左耳侍右者右耳天子則金博山三公以上玉枝四品以上金枝文官七品以上珥白筆八品以上及武官皆不珥筆○大唐因之乘輿加金附蟬平巾幘侍中中書令則加貂蟬侍左右珥諸武官府衛領軍九品以上等亦准此

方山冠

漢 晉

漢制以進賢以五采縠為之祠宗廟八佾四時五行樂人服

之冠衣各如其方之色而舞焉○晉因之

巧士冠

漢 晉

漢制高七寸要後相通直豎似高山冠不常服唯郊天黃門從官者四人冠之在鹵簿中次乘輿車前以備宦者四星云○晉因之自後無聞

却非冠

漢 梁 隋 大唐

漢制似長冠皆縮垂五寸有纓綉宮殿門吏僕射等冠之○梁北郊圖執事者縮纓綉○隋依之門者禁防伺非服也○大唐因之亭長門僕服之

樊噲冠

漢 晉 宋 齊 陳

漢將樊噲造次所冠以入項羽軍其制似平冕廣九寸前後出各四寸司馬殿門衛士服之或曰樊噲常持鐵楯聞項羽有意殺漢王噲裂裳以裹楯冠之入車門立漢王傍視項羽○晉宋齊陳不易其制餘並無聞

術氏冠 漢 晉

漢制前圓差池四重趙武靈王好服之今不以施用或曰楚莊王解冠是也○晉因之宋以後無聞

却敵冠 晉 陳

晉制之前高四寸通長四寸後高三寸似進賢冠凡當殿門衛士服之○陳依之餘並廢

進德冠 大唐

大唐制九琪加金飾皇太子侍從皇帝祭祀及謁見加元服納妃則服之

翼善冠 大唐

大唐貞觀中制月一日十五日視朝常服之又與平巾幘通用太宗初服翼善冠賜貴臣進德冠因謂侍臣曰幘頭起於周武帝蓋取便於軍容耳今四海無虞此冠頗採古法兼類幘頭乃宜常服開元十七年廢不行用乾元元年十月知司天臺韓穎奏五官正奉勅創置其官職配五方上稽五緯臣請冠上加一星珠衣從本方正色每至正冬朔望朝會及諸大禮即服以朝見仍望永為恒式奉勅旨宜依

皇 收 虞 夏 殷 周 漢 晉 隋 大唐

有虞氏皇而祭其制無文蓋爵弁之類○夏后氏因之曰收收之言所純黑前小後大○殷因之曰皐也所以自飾覆

黑而微白前大後小○周因制爵弁爵弁冕之次赤而微黑如爵

頭然前小後大三代以來皆廣八寸長尺二寸如冕無旒皆

三十升布爲之士冠禮三加成人服之○漢依周制或云中

古以下其制用絲祠天地五郊明堂雲翹樂舞服之○晉依

漢制更名廣冕有收持筭服用如舊○隋依以角爲簪導士

助君祭服之○大唐因之以紬代布用玄纓簪導九品以上

冠親迎助祭家私祭祀服之

皮弁周晉後周

周禮弁師云王之皮弁會五采玉璫象邸玉笄會縫中也璫

縫中每貫結五采玉十二以爲飾謂之璫邸下抵也以象骨爲之司服云視朝卽皮弁服士

冠禮曰三王共皮弁按皮弁韋皮侯伯璫飾七玉子男璫飾五玉三采孤璫飾四三命之卿璫飾三

再命之大夫璫飾二玉二采皮弁以鹿皮爲之璫音其○晉依舊制以鹿淺毛黃白色

者爲之其服用等級並准周官後周田獵則服之以鹿子皮

爲之○隋因之大業中所造通用烏漆紗前後二傍如蓮葉

四間空處又安拳花頂上當縫安金梁梁上加璫天子十二

真珠爲之皇太子及一品九璫二品八璫下六品各殺其一

璫以玉爲之皆犀簪導六品以下無璫皆象簪導唯天子用

含稜後制鹿皮者以賜近臣○大唐因之以鹿皮爲之玉簪

導十二璫朔日受朝則服之

韋弁周晉宋

周官司服云凡兵事韋弁服以韠韋為弁齊人名舊為韠韠以染韋為絳色曰韠韋○

晉以韋為之頂上少尖○宋因之或為車駕親戎中外戒嚴

之服○後周巡兵即戎則服之自此以來無復其制

幘童子幘 空頂幘 赤幘 紺幘 納言幘

秦漢 青幘 細幘 素幘 黑幘 齊梁 陳 隋 東晉 宋 大唐

古者有冠無幘其戴也加首有頰所以安物故詩曰有頰者

弁此之謂也幘者頰也 頭首嚴頰也○秦雄諸侯乃加其武將首為絳栢

以表貴賤其後稍稍作顏題顏題百切○漢因續其顏却摵之

施巾連題却覆之至孝文乃高其顏題續之為耳崇其中為

屋上下羣臣貴賤皆服之文者長耳武者短耳稱其冠也尚

書幘收三寸名曰納言示以忠正明近職也迎氣五郊各如

其色從章服也武吏常赤幘成其威也未冠童子幘無屋者

示未成人也未入學小童幘勾卷屋者示尚幼小未遠冒也

喪幘却摵反本禮也蔡邕獨斷曰幘古者之甲賤執事不冠者所服也 漢元帝額有壯髮不欲使人

見始進幘服之羣臣皆隨焉然尚無巾士養頂禿幘上制紺施屋壯髮謂當額前侵下而生今俗呼為生頭者是

幘以齋青幘以耕紺幘以獵綠幘漢董偃召見服之○晉因

之○東晉哀帝從博士曹弘等議立秋御讀月令改用素幘

○宋因之以黑幘騎吏鼓吹武官服之其救日蝕文武官皆

免冠著赤幘○齊因之以黑幘拜陵所服○梁因之以黑介

幘為朝服元正朝賀畢還儲更出所服未加元服則空頂幘

○陳因之諸軍司馬服平巾幘長吏介幘御節郎黃鉞郎朝服赤介幘簪筆○隋依之天子畋獵御戎文官出遊武官一品以下并流外吏等上下通服黑介幘平巾黑幘又制綠幘庖人服之其平巾黑幘之制王枝金花飾犀簪導紫羅褶其御五路人逐其車色○大唐因制乘輿空頂黑介幘雙王導加寶飾祭還及冬至朔日受朝會臨軒拜王公則服之黑介幘拜陵則服之平巾幘金寶飾導簪冠支皆以玉乘馬則服之皇太子平巾幘乘馬則服之空頂介幘雙王導加寶飾謁朝還宮元日冬至朔日入朝釋奠則服之冠幘五品以上陪祭服之

幘

烏紗幘

晉 齊 梁

陳 隋

唐

大 唐

魏武以天下凶荒資財乏匱擬古皮弁裁練帛以為幘苦洽合乎簡易隨時之義以色別其貴賤本施軍飾非為國容或云本木行岐荀文若巾之行觸樹枝成歧因之為善遂不改因通以慶弔幘與帔同○晉因之咸和中之制聽尚書八座丞郎門下三侍官乘車白幘○齊依以素為之舉哀臨喪服之○梁因之以代古疑縗為弔服羣臣舉哀臨喪則服之○陳因之而初婚冠送餞以服之○隋依梁不易○大唐因之

帽

皮帽

帛帽

翠帽

黑帽

高屋白紗帽

突騎帽

周

後魏

晉

宋

齊

梁

陳

隋

大 唐

梁

陳

上古穴居野處衣毛帽皮以此而言不施衣冠明矣云玄中記云旬始

帽周成王問周公曰舜之冠何如焉曰古之人上有帽而勾

領或云帽名猶冠也義取於加覆其首本纚也古者冠下有纚以繪為之後世施憤於冠因裁纚為帽自乘輿宴居下

至庶人無爵者皆得服之○魏管寧在家嘗著帛帽吳書云陸遜破曹休於石亭還當反西陵

朝臣燕賜終日上脫翠帽以賜遜時同羣臣朝謁而服之○晉因之○宋制黑帽綴紫標

標以繪為之長四寸廣一寸後制高屋白紗帽○齊因之○

梁因制頗同至於高下翅之卷小異耳皆以白紗為之○陳

因之天子及士人通冠之白紗者名高頂帽皇太子在宮則

烏紗在末福省則白紗又有繪阜雜紗為之高屋下裙蓋無

定准又制岑帽靴角五音帥長服之○後魏咸著突騎帽如

今胡帽垂裙覆帶蓋索髮之遺象也又文帝項上瘰疾不欲

人見每常著烏紗帽自朝貴已下至于冗吏通著入朝後復制

皇初嘗著烏紗帽自朝貴已下至于冗吏通著入朝後復制

白紗高屋帽接賓客則服之大業年令五品以上通服朱紫

是以烏紗帽漸廢貴賤通服折上巾按後漢郭林宗行遇雨需巾角折後周武帝建

德中因制○大唐因之制白紗帽又制烏紗帽視朝聽訟宴

見賓客則服之

葛巾角巾東晉 齊 陳 北齊

東晉制以葛為之形如恰而橫著之尊卑共服太元中國子

生見祭酒博士冠角巾齊依之其角巾宋不存至齊立學王儉議更存焉○陳依

之○北齊依之自後無聞

幅巾

縑巾 後漢

黃巾 後周

大唐

後漢末王公名士以幅巾為雅是以袁紹崔豹之徒雖為將帥皆著縑巾時有妖賊以黃為巾時謂之黃巾賊按巾六國間通謂之承露袁紹戰敗幅巾渡河按此則庶人及軍旅皆服之用全幅阜而向後襍髮謂之頭巾俗人謂之襍頭○後周武帝因裁幅巾為四脚○大唐因之

巾子

大唐

大唐武德初始用之初尚平頭小樣者天授二年武太后內宴賜群臣高頭巾子呼為武家諸王樣景龍四年三月中宗內宴賜宰臣已下內樣巾子其樣高而踣皇帝在著時所服人號為英王踣樣卷終

